

Guangjisi Minzcu Bau

ganhhau: CN45-0036 B.2016 Nd.1 Ng.27 liggaeuq ietfeih nienz ndwenlab cibbet

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3209期

Gvanj Beizcin Daiq Guekgya Minzveij Veivwncuj Bae Dwzbauj Haiguh Ndwencieng Bangcoengh Veivwn 管培俊率国家民委慰问组到德保县开展春节扶贫慰问

1 nyied 19 hauh, Guekgya Minzveij conhciz veijyenz Gvanj Beizcin daiq Guekgya Minzveij ndwencieng bangcoengh ranzgungzhoj veivwncuj gungh 7 baux bae daengz Dwzbauj Yen haiguh ndwencieng bangcoengh veivwn hozdung. Swcigih Minzveij dangcuj suhgi, cujyin Luz Yenbenj, Baksak Si Yinzda Cangzveijvei fucujyin Yangz Mingzgangh buenx bae veivwn.

20 hauh banhaet, veivwncuj bae daengz Duh'anh Yangh Lingzleiz Cunh Mbanjlingzleiz, Mbanjceifaz

caeuq Mbanjlungjcingz daengj 3 aen mbanj veivwn le 5 hoh gungzhoj nungzhoh, soengq cienzeivwn, fan-damj, haeuxsan caeuq youzgwn daengj doxgaiq hawj gyoengqde, caemhcai hohfuk gyoengqde ngoenzciat angq-yangz. Gvanj Beizcin lij bae daengz Cwngzgvanh Cin Yinzdih Cunh Mbanj-nazdunz miz Bouxcuengh daegsaek caiqlj dwg dieg Guekgya Minzveij dinghdiemj bangcoengh hwnjguh haenx guh gaujcaz, roxyiuj hanghmoeg hengz-guh cindu cingzgvang.

20 hauh gvaqringz, Dwzbauj Yen hai aen hoih veibau hong ginghci ndawbiengz hwnghat, Gvanj Beizcin dingq le aen yienh neix "cibngeih haj" geizgan daengx yienh ginghci ndawbiengz hwnghat cingzgvang caeuq "cibsam haj" ginghci ndawbiengz hwnghat gveihva cingzgvang veibau, caemhcai caeuq dangdieg dangveij cwngfuj doxyaeng bi 2016 dinghdiemj bangcoengh hanghmoeg gveihva vwndiz.

(Nungz Yungjifang/农永放)



Gih Raeuz Hai Ok Aen Daih'it Lez-ceh Hamjguek "Liuz Samcej" Hauh

广西开出首列跨国“刘三姐”号列车

1 nyied 24 hauh, Namzningz hai ok aen daih'it lezceh "Liuz Samcej" hauh — Z5/6 Baekging Sae — Namzningz — Gyahlinz(Yeznanz) gozci lienzyinh lezceh. Hekyouz youq gwnz gyaq lezceh neix mboujdan ndaej cimz daegsaek giigwn ndei Guengjsae raeuz, lij ndaej daejniemh daegsaek vwnzva Mbanjcuengh Guengjsae raeuz. Ndw doz dwg bauxguhong yieug hekyouz fat mbaw senhconz "Liuz Samcej" hauh.

(Cinz Fuzbingz/ 陈孚平 ing)

Lungzswng "Aenmbanj Miz Daegsaek" Haenqrengz Hwnghat Lijyouz 龙胜“特色村寨”大力发展旅游

Gaenh geij bi neix daeuj, Lungzswng Gak Cuz Swciyen "aenmbanj miz daegsaek" — Mbanj Bwzmen Hungzyauz yawjnaek baujhoh mbanj gaeuq, ranz gaeuq, caemhcai baengh Bwzmen aenmbanj gaeuqgeq, saujsu minzcuz vwnzva fungfouq caeuq swhyienz nungzyez gingisaek swhyenz daengj, hengzguh hanghmoeg daiq-doengh, seizseiq ragdoengh cauxguh cwzloz, caenh'itbough doed ok daegsaek, guh ndei fugsah, gyahung binjbaiz, hawj Bwzmen Yauzcai byaij yieugq aenmbanj minzcuz yieughmoq, baenz "mbanj okmingz lijyouz" gig miz daegsaek minzcuz.

Mbanj Bwzmen Hungzyauz dwg aen mbanj Hungzyauz gaeuqgeq caeuq yienhda he. Ndigah dajcaux aeu minzcuz minzsuz fungcingz lijyouz guhcawj, guh hung daegsaek canjniab caeuq hwnghat canjniab ngamqhwng. Aeu Hungzyauz minzcuz fungcingz lijyouz hwnghat guh muzbyauh, haenq-

rengz cingceih swnghdai vanzging caeuq swnghhoz vanzging aenmbanj, gyagiengz lijyouz gyaudoeng, ancienz baujcaug wngqgip ceihleix, lijyouz ciepdaih daengj giekdaej sezsih hwnjguh.

Mboengqneix, lij doenggvaq dieg-namh riuzcienj fuengsik, yinxhaej Hungzvwz Swnghdai Nungz Linz Gohgi Mouyi Gunghsw, aeu aen mbanj ca mbouj geijlai 100 moux diegnamh caebcomz riuzcienj haifat, ndaem vagut, vagwzsangh caeuq vayouzcail daengj, daezsang gyaciz ngonzyawj nazmbaeklae Bwzmen; leih-yungh giindei cungcuk goekraemx vat daemzbya, laeb dieg hekyouz epbya; aeu aenmbanj gij doxgaiq reihnaz dajcaux baenz doxgaiq lijyouz miz daegsaek minzcuz deihfueng. Neix doidoengh le Lungzswng "minzmou giyez" ginghci hwnghat, engqgya mizleih dajcaux doxgaiq miz daegsaek minzcuz Lungzswng, gya'gvangq gij

mingzdaeuz ndei Bwzmen Yauzcai caeuq swnghcanjiz "minzmou giyez".

Linghvaih, Lungzswng cinghab cienz gungh 1000 lai fanh maenz. Bued roengz gya'gvangq roenloh haeuj mbanj, baujhoh nem gaijndei daegsaek ranz gaeuq caeuq lijyouz giekdaej sezsih daengj hanghmoeg hwnjguh. Guhsat le aen dombanj, hekyouz cungsim, Hungzyauz bozvuzgvanz daengj 21 aen hwnjguh hanghmoeg.

Lungzswng cungfaen vatcimh caemhcai cinghab Mbanj Bwzmen Hungzyauz, Daj "aenmbanj miz daegsaek" yieugq "aenmbanj lijyouz daegsaek okmingz" dajcaux, gaenq hainduj yienh'ok gveihmoz, mboengq-neix gonqlaeng ndaej "Cungguek buek daih'it aenmbanj saujsu minzcuz miz daegsaek" "Guengjsae aenmbanj lijyouz daegsaek okmingz" "Guengjsae AAA ginggih" daengj cwngheuh ndei.

(Suz Linzdingz/栗琳婷)

SIUSIK DINJ

简讯

● Gaenh geij bi neix daeuj, Sanhgyangh Duncuz Swciyen gyagiengz swncienz caeuq fatyiengz Caujmyauz vwnzva, cujiz laebbaenz le 40 lai aen doih'aenvenz, 30 lai aen doihvwnzyi ndawbiengz, doenggvaq boq aenvenz, canghfwen Caujmyauz doiqfwen, diuq foux-caijdangz daengj fuengsik baijyienj minzcuz daegsaek, ciengqyiengj minzcuz doxgiet. Mizyauq doicaenh swncienz caeuq hwnghat Caujmyauz vwnzva.

(Gunj Yicungh)

● Bi' gvaq daengz seiz-neix, Fucanh Yauzcuz Swciyen linzyezgiz, yen gunghsanghiz daengj caeuq dangdieg dangveij cwngfuj haeujlaeg daengz Sizgyah Yangh Cwngzsang Cunh haiguh hong cingcinj bangcoengh ranzgungzhoj, daj cienz, cwngcwz bae haenq-rengz haeujcoengh, bangcoengh aen mbanj neix hwnghat ndaem faexyouzcail. Dangqnaj, Cwngzsang Cunh gaenq hwnghat ndaem faexyouzcail 1400 lai moux, gyalai souhaej duetgungz.

● Bi 2015, Laizbinh Si gizdieg minzcuz vunzlai sinhnungzhoz canhhozliz daengz 99.07%, beij bi 2014 daezsang 0.39 aen bakfaendiemj, sang gvaq 97% gij cijbyauh yinvu swcigih roengz haenx, vunzlai canhhoz yieugisouh sinhnungzhoz cienz bangbouj daengz 205.16 fanh vunzbaez, daihdaej saedyienh gizdieg saujsu minzcuz sinhnungzhoz cienzbouh cwgoemq.

(Mungz Gyahho)

● Bi' gvaq, Lingzyinz Yen gyavaij cienjbieng ginghci demgya fuengsik, gyalai doiq gencuzyez gamguenj ligdoh, gyagiengz fugsah yisiz, daengx yienh gencuzyez hwnghat vaiq raix-caix. Ciuq cam rox, bi' gvaq daengx yienh gencuzyez cungcanjeiz miz 34406 fanh maenz, doengzbeij demgya 11.46%, vih "cibsam haj" gencuzyez swnghcanj baujmaenh hwnghat haemq vaiq gya haeuj rengzhoengh moq.

(Vangz Yenzyungz Vangz Binh)